

## U G O V O R

**o nabavci: "Nabavka usluge projektantskog nadzora, te preprojektovanje dionica kanalizacione mreže gradskog područja (oborinske i fekalne) u skladu sa zahtjevima realizacije projekta"**

Zaključen dana 15.10.2015. godine

### I – UGOVORNE STRANE

1. Općina Gračanica, ul. Mula Mustafe Bašeskije, zastupan po Općinskom Načelniku Nusretu Heliću, (ID broj: 4209387060007, PDV broj: 209387060007, Transakcijski račun: 1610250034280041 kod "Raiffeisen Bank" DD BiH, Telefon, broj: 035/700-805, u daljem tekstu: **Naručilac**)  
i
2. „IPSA“ Institut DOO Sarajevo, ul. Put života bb, 71000 Sarajevo, koje zastupa Direktor, Enko Hubanić, dipl.ing.građ. (ID broj: 4200032270003, PDV broj: 200032270003, Transakcijski račun: 1610000003330118 kod "Raiffeisen Bank" DD BiH, telefon, broj: 033/276-340 (355), u daljem tekstu: **Izvršilac**)

### II – PREDMET UGOVORA

#### Član 1.

Predmet ovog Ugovora je: "Nabavka usluge projektantskog nadzora, te preprojektovanje dionica kanalizacione mreže gradskog područja (oborinske i fekalne) u skladu sa zahtjevima realizacije projekta", gdje je potrebno izvršiti usluge prema Specifikaciji usluga, te izvršiti uslugu projektantskog nadzora nad izvođenjem radova u pogledu pojedinosti oblikovanja i izvedbe, a sve u skladu sa projektnom dokumentacijom i projektnim zadatkom koji su sastavni dio ovog Ugovora.

Izmijenjene dijelove projekata treba isporučiti u slijedećem broju: 3 (tri) primjerka u printanom obliku (ovjereni) i 3 (tri) primjerka u digitalnom obliku.

#### Član 2.

Naručilac povjerava, a Izvršilac usluga se obavezuje da će usluge koje su predmet ovog Ugovora izvršiti kvalitetno i stručno, u skladu sa Zakonom, i prema Ponudi, broj: 02-2362/2015 od 13.10.2015. godine (dostava fax-om dana 09.10.2015. godine), sa Specifikacijom usluga koja je sastavni dio ovog Ugovora.

#### Član 3.

Projektantski nadzor kao standardnu uslugu ne sadrži tehničku kontrolu kvalitete izvedenih radova, kao ni prihvatljivost tehnologije izvedbe radova, prikupljanje dokaza kvalitete, odobrenja za upotrebu ili sličnih dokumenata za predviđene materijale i tehnologije.

### III – CIJENA I NAČIN PLAĆANJA

#### Član 4.

Cijena ugovorenih usluga, na bazi fiksnih jediničnih cijena i količina datih u priloženoj Ponudi Specifikacije usluga Izvršioca usluga bez uključenog PDV-a iznosi: 6.000,00 KM, slovima: (šesthiljadakonvertibilnihmaraka).  
PDV po stopi od 17% iznosi: 1.020,00 KM, slovima: (hiljadudvadesetkonvertibilnihmaraka).  
Ukupna vrijednost ugovora iznosi: **7.020,00 KM sa PDV-om**, slovima: (sedamhiljadadvadesetkonvertibilnihmaraka).

#### Član 5.

Ugovorena cijena obuhvata izvršenje usluga i porez prema zakonskim propisima. Cijene su fiksne i ne mogu se mijenjati.

#### Član 6.

Naručilac se obavezuje da će ugovorenu cijenu platiti Izvršiocu usluga na slijedeći način:

- 50% avans
- 50% odmah nakon izvršene usluge, a nakon dostavljene fakture.

#### IV – ROK IZVRŠENJA USLUGA

##### Član 7.

Izvršilac usluga je dužan da usluge izvrši do kraja realizacije projekta na izvođenju radova na predmetnim dionicama a najkasnije do maja 2016. godine od dana potpisivanja ovog Ugovora.

##### Član 8.

Izvršilac usluga ima pravo na produženje ugovorenog roka, ako je u izvršavanju usluga bio spriječen vanrednim događajima kao što su viša sila (poplava, zemljotres i sl.).

##### Član 9.

U slučaju kašnjenja po ovom Ugovoru Izvršiocu usluga će se obračunati kazneni penali u visini od 0,2% od ukupne vrijednosti ugovorenih usluga za svaki dan kašnjenja, a najviše do 10% ukupne vrijednosti ugovorenih usluga.

U slučaju prekida izvršenja usluga Izvršilac usluga je obavezan izvijestiti Naručioca o vremenu i razlozima prekida izvršenja usluga.

#### V – OBAVEZE IZVRŠIOCA USLUGA

##### Član 10.

U toku izvršenja usluga Izvršilac usluga se obavezuje: da usluge izvršava stručno i kvalitetno u skladu sa važećim propisima iz ove oblasti.

#### VI – OBAVEZE NARUČIOCA

##### Član 11.

Naručilac se obavezuje da će ugovorenu cijenu platiti Izvršiocu usluga na način kako je predviđeno ovim Ugovorom.

#### VII – OSTALE ODREDBE

##### Član 12.

Ugovor se ne može raskinuti zbog neizvršenja neznatnog dijela ugovorenih obaveza.

##### Član 13.

Ugovor se raskida pismenom izjavom koja se dostavlja drugoj ugovornoj strani navodeći u izjavi po kom osnovu i zbog čega se Ugovor raskida.

##### Član 14.

Ako se Ugovor raskine krivicom Naručioca on je dužan da Izvršiocu usluga plati usluge koje su izvršene, a ako se Ugovor raskine krivicom Izvršioca usluga, Naručilac je dužan da mu

plati izvršene usluge, a Izvršilac usluga je dužan da Naručiocu nadoknadi štetu proisteklu raskidom Ugovora.

#### Član 15.

Za sve što ovim Ugovorom nije predviđeno i regulisano primjenjivat će se odgovarajuća zakonska regulativa za ovu oblast.

#### Član 16.

Na sve odnose i institute koji nisu navedeni u Ugovoru, a pojave se prilikom realizacije, primjenjivat će se odgovarajuće odredbe Zakona o obligacionim odnosima.

#### Član 17.

Ugovorne strane su saglasne, da sve eventualne nesporazume koji bi proistekli iz provođenja Ugovora riješe sporazumno i na obostranu korist, a u slučaju spora određuju nadležnost Općinskog suda u Gračanici.

Ugovorne strane su saglasne da Izvršilac ugovora nema pravo zapošljavati u svrhu izvršenja ugovora fizičke i/ili pravne osobe koje su sudjelovale u pripremi tenderske dokumentacije ili su bile član ili stručna osoba koju je angažirala Komisija za nabavke u postupku koji je prethodio ovom ugovoru, najmanje šest mjeseci po zaključenju ugovora, odnosno od početka realizacije ugovora.

#### Član 18.

Sastavni dio ovog ugovora je fotokopija Specifikacije usluga iz Ponude, broj: 02-2362/2015 od 13.10.2015. godine.

#### Član 19.

Ugovor je sačinjen u 7 istovjetnih primjeraka od kojih su Izvršiocu usluga uručena 2 primjerka, a ostale zadržava Naručilac.

ZA IZVRŠIOCA USLUGA  
„IPSA“ Institut DOO Sarajevo

\_\_\_\_\_  
Enko Hubanić, direktor

Broj: \_\_\_\_\_

ZA NARUČIOCA  
OPĆINA GRAČANICA

\_\_\_\_\_  
Nusret Helić, Općinski načelnik

Broj: 02-28-2800-6/2015